

Nossa raspada



CORPORAZIUN
EVANGELICA
VALSOT

...l'eternità als ha el plantà i'l cour, be cha l'uman nu po cum-prender... (Eccl 3,11)

Allegra!

Ün on a fin arriva, darcheu cu-mainza ün nouv on. Pacas stazi-uns da l'on da chalender ans la-schan incleger uschè bain, quant svelt cha'l temp passa: Il chalender dal 2022 mettaina da la vart, i voul ün nouv, ün cun 365 dis chi spettan da gnir scuvrits. In talas situaziuns as pudessa propcha vulair imprendere a cumprender l'eternità cha'l Segner ha implantà in noss cours. – Ma che less quai lura dir? Nus umans nun eschan s-chaffits per chapir tuot da principi fin la fin. Nus nun eschan fats per ün'existenza sainza passà ed avegnir. I fa part da las cundizi-uns da vita cha quai chi'd es stat, es stat, e cha quai chi'ns spetta, resta ün misteri.

L'eternità in noss cours, quai sun forse quels mumaints inschman-chabels cha'l temp para da star salda, cha nus badain che ch'üna vita vaira voul dir, cha nus badain il plü ferm, cha'l Segner ans benedescha, ch'el ans driva ün orizont chi nun es da quist muond. Eu Tils giavüsch ün bun on 2023, plain tals mumaints,
rav. Christoph Reutlinger.

Pravenda evangelica

7559 Tschlin

tel. 081 866 32 63

www.valsot-ref.ch

Cults divins schner 2023

Dumengia, ils 8 schner

09:30 Ramosch

11:00 Strada

rav. Christoph Reutlinger

Dumengia, ils 15 schner

09:30 Vnà

11:00 Tschlin

rav. Christoph Reutlinger

Dumengia, ils 29 schner

09:30 Ramosch

11:00 Tschlin

17:00 Samignun

rav. Christoph Reutlinger

Giantar cumünaivel a San Niclà

i'l café sper l'En

Gövgia, ils 26 schner a partir da las 12:00.

Per plaschair s'annunzchar pro Cilgia Etter: 079
530 70 58

Volver, per plaschair!

Müdamaints i'l consistori

Davo ons d'ingaschamaint a favur da nossa corporaziun han Georg Häfner e Seraina Pult decis da's dedichar a novas sfidas. – Grazcha fich per la lavur prestada!

A la radunanza generala sun gnüts elets *Duri Janett* da Tschlin sco nouv president ed *Andrea Pua* da Vnà sco nouv commember dal consistori. Nus eschan grats cha Vus as vaivat miss a disposiziun per quistas caricas e giavüschain buna reuschida!

/consistori e pravenda